



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 21. Galliarum Rex Rothomagum ingressus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A. C. 1449.

villarium reddere, necnon Gallos a se captos libertati restituere sponderet, Regique infra annum quinquaginta aureorum millia pendere, & Talbotum unacum aliis quinque, vel sex belli Præfectis obsides relinquere pacisceretur. His conditionibus ita firmatis Duci, ejusque conjugi, atque liberis, cunctisque præsidariis militibus sese, quocumque libuerit, recipiendi, secumque omnis generis impedimenta, exceptis majoribus belli tormentis, devehendi copia concessa est, datis liberi commeatus literis. Præterea Rex sibi Harflevium cedi postulabat; id vero Sommersetus constanter recusavit, ne, inquebat, urbem illam, quæ inter primitias Victoriarum Henrici V. numeratur, hosti tradidisse argueretur. Interim Dux iste feria tertia, quæ erat quarta dies Novembris, unacum militum suorum reliquiis Rothomago excessit.

§. XXI.

Rex Rhotomagum ingressus.

Igitur die decima Novembris, qua Sancti Martini profestum agebatur, Rex solemnissima pompa, & magnificentia vere Regia, quam fusiore calamo Joannes Chartierus describit, Rothomagum ingreditur. Agmen ducebant primi Sattelli-

Jean. Chartier. Hist. Carol. VII. pag. 180. Art. 1449.

tellites Regii, istos sequebantur ipsius Regis Galliae, Siciliae, aliorumque Principum *Sæcul. XV.*
 Feciales scutario Regis symbolo insigniti. *A.C. 1449.*
 Hos excipiebant, præcedentibus Buccinatoribus, Ursinus Cancellarius habitum ad ejusmodi pompam scite compositum indutus, Regii stabuli Magister, aliusque, Fontenilus nomine, qui Regis gladium præferibat. Demum ipse Rex incedebat armis instructus, ac generoso vectus equo, per cujus dorsum ad pedes usque defluebat tegumentum sericum cærulei coloris, liliisque auro intextis distinctum. Ornabat Regis caput pileus rubro holoserico intus textus, cujus summitas flocco filis aureis splendido fulgebat. *P. Daniel*
Hist Carol.
VII.to. IV.
 Ab illa die in Galliis cæpit, ac successu temporis invaluit pileos, atque Galeros deferendi usus; cum priore ætate capitia duntaxat gestare solemne esset. Præterea Regem comitabantur illius ephebi, cujus latera stipabant Renatus Siciliae Rex, & Comes Cenomansis Frater ejusdem. Sequebantur denique Nivernensis, S. Pauli, & Claremontanus Comites, Culani Toparcha Regiæ Aulæ Magister, & Caletensis Prætor, qui Vexillum tribus liliis aureis in cæruleo holoserico depictis gestabat, aliis pluribus Proceribus agmen cludentibus. Regiæ suæ Majestati obviam processit Comes Dunensis, qui Archiepiscopum Rotho-

Sæcul. XV. Rothomagensem, Lexoviensem, Bajocensem, & Constantiensem Episcopos unacum Primoribus Urbis in Caroli conspectum duxit, a quibus Rex, cum portam Bellovacensem ingrederetur, & prope Ecclesiam Beatæ Virginis equo descendisset, gratulatoria oratione exceptus est. Talbotus Anglicæ militiæ Præfectus, qui obses retinebatur, æque ac Sommerseti Ducissa, quæ congruo equorum apparatu destituta Rothomagi adhucdum hæerebat, solemnibus hujus pompæ spectatores erant.

§. XXII.

Harslevii urbis expugnatio.

Peractis hisce solemnibus Rex aliquamdiu Rothomagum præsentia honorabat, ut Officiales nominaret, urbemque optimis legibus, atque institutis temperaret. Concredidit supremam Rothomagensis ditionis Præfecturam Petro Brezæo Pictaviensi Senescallo. Præterea singulæ pacis conditiones cum Anglis in executionem datæ, præter solam Julibonam, cujus urbis Præfectus, nomine Cursonius, deditionem pertinacius recusabat, & id quidem iniquiore Talboti fato, qui eam ob causam diutius obses detinebatur. Cum vero Sommersetus Dux Harslevium (aliis Arufluctum dicitur) Regi cedere constanter obluctaretur, Galli
arcem